

徐公文集

一

開化圖書館
Kaikwa Library

開化圖書館

Kaishua library

開化圖書館

Wahua library

開化圖書館

Kaithua library

徐

騎

省

集

三

十

卷

四部叢刊集部

上海涵芬樓據黃
堯圃校宋本景印
原書板高營造尺
四寸九分寬四寸

進徐騎省文集表

臣克順言伏以德必

稱於君子文之行遠

用示於方來矧逢

熙盛之朝茂闡

欽明之化臣克順誠惶誠懼頓首頓首伏念臣本

惟寒族偶襲緒風幼服佩於義方長陶蒸於

孝治築室百堵介處於下鄉教子一經敢隨於素業

旌問雖慙於往事

賜書寧謝於古人家歲稍多耳剝亦久竊見故散

騎常侍徐鉉傑出江表夙負重名遠事

鉉
下註同

天朝荐升近列特受

先皇之顧遇頗為後進之宗師文律高深學術精

博辭推尚要思在無邪克著一家之言蓋處諸公

之右淳化之歲被病考終生嗟伯道之孤致慮若

教之饒而臣頃在場屋獲造門牆情篤鄉關禮鈞

甥姪永惟感舊適值送終臣家乃具扁舟載其靈

柩直抵豫章之郡卜葬西山之阿一掩佳城久荒

宿草雖歲時靡輟為備黃石之祠而翰墨罕存難

訪茂陵之札每思編緝尤懼舛譌數年前故叅知

政事陳彭年因臣屢言成臣風志假以全本并茲

修

肇

冠篇乃募工人肇形鏤板竹簡更寫無媿於前修
緝几迴觀願留於

睿覽伏望

崇文廣武感天尊道應真佑德上聖欽明仁孝皇

帝陛下清衷軫念

鴻需延慈稍迴

虞舜之聰暫乙東方之牘

淪恩至厚俾朽骨以重榮

岳範長新耀遺編而增煥豈惟踈賤歎荷

照臨其新印徐鉉文集兩部計六十卷共一十二

獨

冊謹隨表上

進于冒

宸嚴臣無任戰汗激切屏營之至臣克順誠惶誠

懼頓首頓首謹言

天禧元年十一月日三司戶部判官朝散大夫行

尚書都官負外郎上護軍臣胡克順上表

批荅

勅胡克順省所上表進新印徐鉉文集兩部計六
十卷共一十二冊事具悉徐鉉生於江介早著時

名歷事

此行擠一字

胡下空一格

空五格

祖宗之朝嘗居文翰之任發揮誥命有溫雅之風
備預咨詢見談通之學矧惟素履無謝古人汝克
慕前修盡編遺札俾之摹印庶廣流傳觀秦柳之
爰來諒恪勤之斯至覽觀之際嘉歎良深故茲獎
諭想宜知悉

五日

開化

ka hua

開化圖書館

Wahwa library

空六格

尼丘

歧

玄

獨

故散騎常侍東海徐公集序

口口口口口口

秘書郎陳

甄年

撰

昔姬昌既沒文不在於茲乎韓起有言禮盡見於
 魯矣故仲尼降異以產民宗闕里垂言用為人極
 自哲人一往作者多歧則有孟子制其橫流荀卿
 平其亂轍戰國之際百氏沸騰羸秦之餘六經煨
 燼著華欲竭俎豆無歸故賈生談仁義於前楊子
 宗詩書於後魏晉名士咸重玄言梁隋諸公始興
 宮體茲風一扇踰數百年唐氏偶又為多比百王
 而雖盛文章所尚方三古而終殊於是韓吏部歎

柳

於

璋

多

器

正其非柳。州輔成其事。千齡旦暮。斯豈誣哉。俾大道之將行。故由天意。幸斯文之未喪。亦繫人謀。其有道冠人倫。才為世表。名不泯。百代攸宗。今復見之。徐公矣。公諱鉉。字鼎臣。其先會稽人也。鄰畿之姿。生民之秀。滄溟沃日。流作言泉。建木干星。植為行圃。英才茂德。光映於前。修懿範。清規儀形。孔來者。弄璋之始。屬唐室之可虞。佩觿之初。值楊都之建號。公文辭濬發。不類幼童。識量淹通。已成大器。彈冠入仕。方居終賈之年。佩玉登朝。即就嚴徐之列。泊江東內禪。文物初興。廊廟之珍。獨當其任。

樹品

楷紳之望無出其先漢之賢臣蔡邕歷三臺之選
魏之俊士索靖馳二妙之名若乃毛珩之公清汲
黯之正直王倫之知禮張華之博物鄭當時之下
士山巨源之薦賢以公方之綽有餘裕故得觀孔
光之樹久奉樞機寓荀勗之池常參獻替雖具瞻
之重猶未正名而乃春之殊已同彼相及樓船南
伐青蓋東來遂於艱虞之辰克盡始終之節夫章
臺之壁且屬秦求百城之材果為晉用
太祖讀豫州之檄不責其非
今上聽上林之文屢言其美由是甘泉柏殿重奉

宸遊瑣闥貂冠更膺

天獎王公慕義如見古人名德在時目為耆老季
膺交友不異神仙許劭言談是名月旦雖來於江
左魯公於是瞻詩寓彼漢中武侯以之之下拜無以
踰也及運逢消長道或盈虛辭通籍之簪纓陪外
藩之罇俎語鬼神之事端

宣室而未期留封禪之書卧茂陵而長往嗚呼惟
公稟中和之氣挺傑出之才風雨而不迷雪霜而
不變瞻其潔白如珪如璋聽其風聲如蘭如蕙自
成人之始至縱心之年險阻艱難所經多矣功名

彌

理

富貴皆自致之至若平仲事君一心無改展禽秉
直三黜弥光百行立身世談其盡善片言違道人
知其不爲豈但王佐之才獲稱於士季公卿之量
見賞於林宗乎其有立言之旨學古之功究乎天
人窮乎性命命文房逸勢楚國之三休筆陣雄風宋
人之九拒昔者洞簫之賦誦之者後宮劍閣之銘
刊之者明詔賈誼過秦之作史臣置於篇中玉融
曲水之辭鄰使求於座上蔡中郎之所自許則有
太丘之碑潘黃門之所用工獨是荊州之誄公並
窮其淵藪仍在上游擬其英華更多餘力雖絲篁

金石無以均其雅黼黻玄黃不足方其麗草太玄
之客徒欲載金述十意之人自將焚藁豈獨語其
篇什宜并沫泗之堂畫彼形容當在靈均之廟者
哉矧復六書之藝少而留心二篆之蹤老而盡妙
研精不捨常惜寸陰尺牘所傳有同珍寶

聖上方欲恢千年之洪業答

上帝之耿光朝諸侯而

東巡祀介丘而

降禱若乃以秦丞相之健筆無漢郎將之雄文銘
此成功垂之不朽求之輿議公即其人斯志未終

大年行盡穢良之痛其可已乎公江南文藁撰集
未終一經亂離所存無幾公自勒成二十卷及歸
中國入直禁林制誥表章多不留草其餘存者子
壻尚書水部員外郎吳君淑編為十卷通成三十
卷所撰質論稽神錄奉詔撰江南錄修許慎說文
並別為一家不列於此蓋年越在幼年即承訓導
通家之舊與文舉以攸同入室之知方子淵而豈
異感生平而永歎報德無階痛音問之長違殞身
莫贖聊存撫實用以冠篇時淳化四年七月序

無異字

開化圖書館

Wachua library

徐公文集目錄

第一卷

文賦三首

詩三十首

第二卷

詩六十九首

歌一首

第三卷

詩七十五首

第四卷

詩七十二首

第五卷

詩七十一首

第六卷

制誥二十九首

第七卷

制誥二十六首

第八卷

制誥三十六首

祭告文二首

第九卷

冊九首

謚議一首

第十卷

碑銘五首

第十一卷

碑銘三首

第十二卷

碑銘五首

第十三卷

記七首

第十四卷

記三首

頌一首并序

贊四首

銘二首

哀册文二首

第十五卷

墓誌七首

第十六卷

墓誌八首

第十七卷

墓誌七首

第十八卷

序八首

第十九卷

Kachua library

序六首

表四首

書五首

第二十卷

表四首

書五首

狀二首

文九首

第二十一卷

應制詩二十九首

寄送詩四十九首

第二十二卷

雜詩五十九首

文賦二首

第二十三卷

序九首

第二十四卷

序五首

連珠五首

贊四首

銘三首

論三首

第二十五卷

碑銘五首

第二十六卷

碑銘五首

第二十七卷

碑銘五首

第二十八卷

記十首

第二十九卷

墓誌六首

第三十卷

墓誌六首

卷第一影宗本
連目錄排葉數
此葉為第十葉
起第十葉六以
後脫司

貞

徐公文集卷第一

賦詩上

東海徐鉉

頌德賦
木蘭賦

新月賦

頌德賦
東宮生日獻

惟先王之建國體皇極而垂制仰則觀於辰象俯則察於地義前星為帝座之輔蒼震乃少陽之位非明德與茂親不足膺茲主器故萬邦以貞而本枝百世是必天錫嘉祉神輸百祥山河資其正氣日月分其融光膺期運以載誕配乾坤而永昌者

揖讓干

惠

驚問

也惟我儲后昭明俊德黃裳元吉沉潛剛克鈞深
 致遠曾莫挹其津涯問安視膳每成形於顏色在
 昔冲讓高追太伯乃剖麟符保釐東宅受道師傅
 稽疑典冊化自誠心風行邦國乃擁干旌南徐之
 城左撫句吳前封敬亭京師河潤盛德日新其畏
 如夏其惠如春謝傅固綦靜一方之沴氣條侯高
 卧息萬里之驚塵令聞孔昭元功莫二人情不可
 以久鬱皇統不可以終避乃畏天命允茲儲貳鳴
 玉軼以徐來與春郊而摠至龍樓霧廓雜戟風生
 珍符壘委和氣交迎百度以之而式序多壘以之

玄

而載清史書有年衢傳頌聲豈人事之協贊信宗
禘之降靈於是玄圃凝陰瑤山密雪宣猷之緹幕
半下濛汜之曾冰乍結爰書慶誕之日始過嘉平
之節翫正晨啓重明風設調護之容娛侍之臣哉
冠燁燁佩玉璘玢咸稽首而再拜獻多福於萬春
有宮坊之下吏乃捧觴而進稱曰自古聖賢率由
輔導伊徇名與課實故成敗之異効粵若成王史
佚周召左右前後惟仁與孝靡過不舉無善不告
茲君臣之一體故風聲之克劭降及後代亦慎厥
初實聘四老復延二疎咸由古道以佑皇儲若乃

貞玄

徵

征和戾園有思臺博望之盛貞觀承乾有玄齡魏徵之重或有其禮而無人或有其人而不用何擇禍之忘輕信非賢而罔共英英副君鑒古知今百揆在乎手萬務經其心朝廷之所寄者重蒼生之所望者深既賞與王之諫亦訪百官之箴故曰生民在勤好問則裕不躬不親人將孰信一游一豫樂有常度節八音以導其和平調五味以適其喜怒情義無於家國故知無不為愛敬極於君親故惟道是諭儉以足用而施舍不可不行仁以接物而刑罰不可不具冗官宜省而才不可遺疆事漸

訪

桃備

樹

寧而備不可去居安思危覩災而懼上分一人之
憂以成天下之務俾中外之禔福與宗祧而永固
伊下臣之不佞蒙國士之殊遇竇舍和而吐頌豈
登高之能賦願降鑒於芻蕘庶初誠於塵露

木蘭賦并序

頃歲鉉左宦江陵官舍數畝委之而去庭樹木蘭
因移植於宗兄之家及鉉徵還席不遑暖又竄于
舒庸吾兄感春物之載華擬古詩而見寄吟翫感
歎謹賦以和焉雖不足繼體物之作庶幾申騷客
之情爾

樹

樹

獨

伊庭中之奇樹有木蘭之可悅外爛爛以凝紫內

英英而積雪芬芬兮謝客之囊旖旎兮仙童之節人

有紫旄許蒲茸之竊比聽蘭芽之竝列於是辭下

土之卑濕歷上京之繁華恥銜價於豪門乃託根

於貧家此樹本自歷陽資幽人之賞豫有好事之

稱嗟一旦逐客程遠君門路賒削閨籍與印組豈

歎留乎此花噫人屢遊棄花猶得地分兔苑之餘

蔭向藩房而吐媚授簡多暇攀條屬思持香草以

予比効騷辭而我寄感此生之百憂何斯物之足

貴悲夫客館長吟山城夕陰想馨香之不改歎歡

貞

栢

此行橋字

注脫據影宋本增

子

宴之難尋憑歸夢於飛翼寫商歌於素琴歌曰光

景兮愁暮別離兮易久真宰兮無黨貞心兮不朽

誠知異日重滋田氏之荆但恐相逢共歎桓公之

柳

新月賦 庚午歲宿直作

五月五日繁陰乍晴俾彼新月麗於太清映玉繩

而絢彩揜銀漢以騰精對鵝鵲西南之影步明光

東北之楹歷歷遲漏悠悠我情雖萬古之不易感

一年而始生乃有駭女癡男朱顏稚齒欣春物之

駘蕩登春臺之靡迤雜佩璀璨錯輕裾颯纒紛乎拜

玄真

祝怡然宴喜人歲歲以潛換景年季而若此昔我
當年胡云不然世路多故流光暗遷易壯心於大
觀變玄髮於華顛顧一毛之無濟媿兩綬之徒懸
况乎萬象虛明九門與祕對宣室以方嚴闕通宵
而不寐憂心似醉既慷慨於君恩急景如馳更淒
涼於往事想翹月以長歌遂抽毫而見意

詩

早春左省寓直

旭景鸞臺上微雲象闕間時清政事少日永直官
閒遠籟飛簫管零冰響珮環終軍年二十默坐叩

閑

玄

閑 豎

閑 樹 署 今

玄關

寒食宿陳公塘上

垂楊界官道茅屋倚高坡月下春塘水風中牧豎
歌折花閒立久對酒遠清多今夜孤亭夢悠揚奈
爾何

將去廣陵別史員外南齋

家聲曾與金張革官署却居何宋間起得高齋臨
靜曲種成奇樹學他山鴛鴦終日同醒醉蘿薜常
時共往還賤子今朝獨南去不堪回首望清閒

將過江題白沙館

躬

少長在維揚依然認故鄉金陵佳麗地不道少風
光稍望吳臺遠行登楚塞長殷勤語江嶺歸夢莫
相妨

登甘露寺北望

京口潮來曲岸平海門風起浪花生人行沙上見
日影舟過江中間橹聲芳草遠迷揚子渡宿烟深
映廣陵城游人鄉思應如橘相望須含兩地情

山路花

不共垂楊映綺寮倚山臨路自嬌饒游人過去知
香遠谷鳥飛來見影搖半隔煙嵐遙隱隱可堪風

隱

揚

署

雨暮蕭蕭城中春色還如此幾處笙歌案舞晉

京口江際弄水

退公求靜獨臨川揚子江南二月天百尺翠屏甘
露閣數帆晴日海門船波澄瀨石寒如玉草接汀
蘋綠似煙安得棗槎更東去十洲風外弄潺湲

早春句假獨直寄江舍人

省署皆歸沐西垣公事稀詠詩前砌立聽漏向申
歸遠思風醒酒餘寒雨濕衣春光已堪探芝蓋共
誰飛

從駕東幸呈諸公

吳公臺下舊京城曾揜衡門過十春別後不知新
景象信來空問故交親宦游京口無高興習隱鍾
山限俗塵今日喜為華表鶴况陪鷓鴣鷺免迷津

重遊木蘭亭

繚繞長隄帶碧潯昔年游此尚青衿蘭橈破浪城
陰直玉勒穿花苑樹深宦路塵埃成久別仙家風
景有誰尋那知年長多情後重凭欄干一獨吟

賦得綠鶯

縷絲成飛鶯迎和啓蟄時翠翹生玉指繡羽拂文
楫詎費銜泥力無勞剪爪期化工今在此翻怪社

來遲

送魏舍人仲甫為蘄州判官

從事蘄春興自長
蘄人應識紫微郎
山資足後拋
名路蕪萊秋來憶故鄉
以道卷舒猶自適
臨戎談笑固無妨
如聞郡閣吹橫笛
時望青谿憶野王

題殷舍人宅木芙蓉

憐君庭下木芙蓉
娟娟纖枝淡淡紅
曉吐芳心零
宿露晚搖嬌影媚
清風似含情態
愁秋雨暗減馨
香借菊叢默飲
數杯應未稱
不知歌管與誰同

送史館高員外使嶺南

閑修

雞

東觀時閒暇還備喻蜀書雙旌馳縣道百越從輶
車桂蠹晨殮罷貪泉訪古初春江多好景莫使醉
吟踈

春日紫巖山期客不至

郊外春華好人家帶碧溪淺莎歲鴨戲輕靄隔鷄
啼掩映紅桃谷黃綠翠柳堤王孫竟不至芳草自
萋萋

宿蔣帝廟明日遊山南諸寺

便逐城闌尚未甘更從山北到山南花枝似雪春
雖半桂魄如眉日始三松蓋遮門寒黯黯柳絲妨

貞髮

路翠甃甃登臨莫怪偏留戀游宦多年事事諳

賦得有所思

所思何在香難尋路遠山長水復深
衰草滿庭空佇立清風吹袂更長吟
忘情好醉青田酒寄恨宜調綠綺琴
落日鮮雲偏聚散可能知我獨傷心

贈王貞素先生

先生嘗已佩真形紺髮朱顏骨氣清
道秘未傳鴻寶術院深時聽步虛聲
遼東幾度悲城郭吳市終應變姓名
三十六天皆有籍他年何處問歸程

春夜月

敬

柳

幽人春望本多情况是花繁月正明竟夕無言亦
無寐繞堦芳草影隨行

愛敬寺有老僧嘗遊長安言秦雍間事

歷歷可聽因贈此詩無示同行客

白首柳禱者嘗談灞澹游能令過江客偏起失鄉

愁室倚桃花崦門臨杜若洲城中無此景將子剗

淹留

游蔣山題辛夷花寄陳奉禮
本約陳同游不至

今歲游山已恨遲山中仍喜見辛夷簪纓且免全

為累苑李猶堪別作期晴後日高偏照灼晚來風

急漸離披山郎不作同行伴折得何由寄所思

關化圖書館
warhua library

為累亦李猶堪別作期暗後日高偏照灼晚來風

徐公集一

九

開化圖書館

Kaohua library

徐公文集卷第二

詩二

東海徐

鉉

躬

和殷舍人蕭員外春雪

萬里春陰乍復端
廣度風起玉塵乾
梅花嶺上連天白
蕙草堦前特地寒
晴去便為經歲別
興來何惜徹霄看
此時鴛侶皆閒暇
贈答詩成禁漏殘

寄新州高郎中

賈傅栖遲楚澤東
蘭皋三度換秋風
紛紛世事來無盡
黯黯離魂去不通
直道未能勝社鼠
孤飛徒自嘆冥鴻
知君多少思鄉恨
併在山城一笛中

宵閑

寄和州韓舍人

急景駸駸度遠懷處處生風頭乍寒暖天色半陰
晴久別寬空斷終年道不行殷勤雲上鴈為過歷

陽城

從先龍武將軍沒於邊成過舊營定作

前年都尉沒邊城帳下何人領舊兵微外瘴烟沉
鼓角山前秋日照銘旌笙歌却返烏衣巷部曲皆
還細柳營今日園林過寒食馬蹄猶擬入門行

景陽臺懷古一六言

後主亡家不悔江南異代長春今日景陽臺上閒

閑

船

人何用傷神

春分日

仲春初四日春色正中分
綠野裴回月晴天
斷續雲鸞飛猶箇箇
花落已紛紛
思婦高樓晚
歌聲不可聞

寄駕部郎中瞻

賤子率慵性頻為省直
牽交情每相見多在相門
前君獨踈名路為郎過
十年炎風久成別南望思
悠然

和王庶子寄題兄長建州廉使新亭

謝守高齋結今上新一方風景萬家情
羣賢詎域山陰會遠俗初聞止始聲
水檻片雲長不去訟庭纖草轉應生
阿連詩句偏多思遠想池塘晝夢成

謝文靜墓下作

時闕嶺用師
解丹陷梁宋

越微稽天討周京亂虜塵蒼生何可奈
江表更無人豈憚尋荒壑猶思認後身
春風白楊裏獨步淚

霑巾

觀人讀春秋

日覺儒風薄誰將霸道羞
亂臣無所懼何用讀春

秋

秋日雨中與蕭贊善訪殷舍人於翰林

座中作

野出西垣步步遲
秋光如水雨如絲
銅龍樓下逢閒客
紅藥堦前訪舊知
亂點乍滋承露處
碎聲因想滴蓬時
銀臺鑰入須歸去
不惜餘歡盡酒卮

送和州張負外爲江都令

經年相望隔重湖
一旦相逢在上都
塞詔官班聊慰否
埋輪意氣尚存無
由來聖代憐才子
始覺清風激懦夫
若向西岡尋勝賞
舊題名處為躊躇

和明道人宿山寺

閑

聞道經行處山前與水陽
磬聲深小院燈影迥高
房落宿依樓角歸雲擁
殿廊羨師閒未得早起
逐班行

晚歸

暑服道情出煙街薄暮還
風清飄短袂馬健弄連
環水靜聞歸櫓霞明見
遠山過從本無事從此
涉旬閒

月真歌

廣陵妓人翰林設舍人所
錄携之無訪筵上贈此

揚州勝地多麗人其間麗者名
月真月真初年十
四五能彈琵琶善歌舞風前弱柳
一枝春花裏嬌

殷

殷

閑
殷

殷
署

駑百般語揚州帝京多名賢其間賢者殷德川德
川初秉綸闈筆職近名高常罕出花前月下或遊
從一見月真如舊識闈庭深院資賢宅宅門嚴峻
無凡客垂簾偶坐唯月真調弄琵琶即為拍殷即
一旦過江去鏡中嬾作孤鸞舞朝雲暮雨鎮相隨
石頭城下還相遇二月三月江南春滿城濛濛起
香塵隔牆試聽歌一曲乃是資賢宅裏人綠窓繡
幌天將曉殘燭依依香裊裊離腸却恨苦多情軟
障熏籠空悄悄殷即去冬入翰林九霄官署轉深
沉人間想望不可見唯向月真存舊心我慙闈茸

殷 貞

徐公集二
四
何為者長感餘光每相假陋卷蕭條正揜扉相携
訪我衡茅下我本山人愚且貞歌筵飲席常無情
自從一見月真後至今贏得顛狂名殷郎月真聽
我語少壯光陰能幾許良辰美景數追隨莫教長
說相思苦

走筆送義興令趙宣輔

聞君孤棹汎荆谿隴首雲隨別恨飛杜牧舊居憑
買取他年藜杖願同歸

天闕山絕句

敬誕愛山客淒涼懷古心寒風天闕晚盡日倚軒吟

除夜

寒燈耿耿漏遲遲送故迎新了不欺往事併隨殘
曆日春風寧識舊容儀預慙歲酒難先飲更對鄉
儻羨小兒吟罷明朝贈知己便須題作去年詩

寄鍾謨

看看潘鬢二毛生昨日林梢又轉鶯欲對春風忘
世慮敢言罇酒召時英做中西閣應無事筵上南
威幸有情不得車公終不樂已教紅袖出門迎

正初答鍾郎中見招

高齋遲景雪初晴風拂喬枝待早鶯南省郎官名

佈

籍籍東隣妓女字英英流年倏忽成陳事春物依
稀有舊情新歲相思自過訪不須虛左遠相迎

聞鴈寄故人

久作他鄉客深慙薄宦非不知雲上鴈何得每年
歸夜靜聲彌怨天空影更微往年離別淚今夕重
霑衣

江舍人宅筵上有妓唱和州韓舍人歌

辭因以寄

良霄絲竹偶成歡中有佳人俯翠鬟白雪飄飄傳
樂府阮郎憔悴在人間清風朗月長相憶佩蕙紉

朗

蘭早晚還深夜酒空筵欲散向隅惆悵髮堪班

寒食日作

厨冷煙初禁門閉日更斜東風不好事吹落滿庭
花過社紛紛驚新晴淡淡霞京都盛遊觀誰訪子
雲家

賀殷游二舍人入翰林江給事拜中丞

清晨待漏獨徘徊霄漢懸心不易裁閣老深嚴歸
翰苑夕郎威望拜霜臺青綾對覆蓬壺晚赤棒前
驅道路開猶有西垣廳記在莫忘同草紫泥來

歐陽大監雨中視決隄因墮水明日見

於省中因戲之

聞道張晨蓋徘徊石首東
濬川非伯禹落水異三公
衣濕仍愁雨冠歌更怯風
今朝復相見疑是葛仙翁

送吳郎中為宣州推官知涇縣

征虜亭邊月雞鳴伴客行
可憐何水部今事謝宣城
風物聊供賞班資莫繫情
同心不同載留滯為浮名

寄舒州杜員外

信到得君書知君已下車
粉闈情在否蓮幕興何

徵

如人望徵賢入余思從子居瀟山真隱地憑為卜
茅廬

九月十一日寄陳郎中

我多吏事君多病寂絕過從又幾旬前日龍山烟
景好風前落帽是何人

和司門郎中陳彥

衡門寂寂逢迎少不見仙郎向五旬莫問龍山前
日事菊花開却為閒人

賦得擣衣

江上多離別居人夜擣衣拂砧知露滴促杵恐霜

飛漏轉聲頻斷愁多刀自微裁縫依夢見腰帶定
應非

九月三十夜雨寄故人

獨聽空階雨方知秋事悲寂寥旬假日蕭颯夜長
時別念紛紛起寒更故故遲情人如不醉定是兩
相思

寄撫州鍾郎中

時王師敗績於
閩中謨在建州

去載分襟後尋聞在建安封疆正多事罇俎若為
歡都護空遺缺明君欲舞干繞朝時不用非是殺
身難

暑

送歐陽大監游廬山

家家門外廬山路
唯有夫君乞假遊
紫纒乍拋公署晚
林泉已近暑天秋
海潮盡處逢陶石
江月圓時上庾樓
此去蕭然好長往
人間何事不悠悠

立秋後一日與朱舍人同直

一宿秋風未覺涼
數聲宮漏日猶長
林泉無計消殘暑
虛向瑤池費稻粱

賦得霍將軍辭第

漢將承恩久
圖勲肯顧私
匈奴猶未滅
安用以家為
郢匠雖聞詔
衡門竟不移
寧煩張老頌
無待晏

嬰辭甲乙人徒費親鄰我自持悠悠千載下長作

帥臣師

和元帥書記蕭郎中觀習水師

元帥樓船出治兵落星山外火旗明千帆日助江
陵勢萬里風馳下瀨聲殺氣曉嚴波上鷁凱歌遙
駭海邊鯨仲宣一作從軍詠迴顧儒園自不平

空一格

秋日盧龍村舍

閑樹

置却人間事閒從野老游樹聲村店晚草色古城
秋獨鳥飛天外閒雲度隴頭姓名君莫問山木與
虛舟

閑

閑

玉

和蕭郎中小雪日作

征西府裏日西斜，獨試新爐自煮茶。
籬菊盡來低覆水，塞鴻飛去遠連霞。
寂寥小雪閒中過，班駁輕霜鬢上加。
算得流年無奈處，莫將詩句祝蒼華。

中書相公谿亭間宴依韻李建勳

雨霽秋光晚，亭空野興迴。
沙鷗掠岸去，谿水上堦來。
客傲風欺憤，筵香菊在盃。
東山長許醉，何事憶天台。

寄饒州王郎中效李白體

珍重三光嗣，交情尚在不。
蕪城連宅住，楚塞並車

游別後官三改年來歲六周銀鈎無一字何以緩
離愁

寄歙州呂判官

任公郡占好山川谿水縈迴路屈盤南國自來推
勝境故人此地作郎官風光適意須留戀祿秩資
貧且喜歡莫憶班行重迴首是非多處是長安

宣威苗將軍貶官後重經故宅

蔣山南望近西坊亭館依然鎖院牆天子未嘗過
細柳將軍尋已戍燉煌史萬歲嘗歌傾怪石山無
色零落圓荷水不香為將為儒皆寂寞門前愁殺

岐

馬中郎

附池州薛郎中書因寄歙州張負外

新安從事舊臺郎直氣多才不可忘一旦江山馳
別夢幾年簪紱共周行岐分出處何方是情共窮
通此義長因附鄰州寄消息接輿今日信為狂

寄江都路負外

吾兄失意在東都聞說襟懷任所如已縱乖慵為
做吏有何關鍵制豪胥縣齋曉閉多移病南畝秋
荒憶遂初知道故人相憶否嵇康不得嬾修書

張負外好茅山風景求為句容令作此

送

句曲山前縣依依數舍程還同適勾漏非是厭承
明柳谷供詩景華陽契道情金門容傲吏官滿且

還城

送應之道人歸江西

曾騎竹馬傍洪涯二十餘年變物華客夢等閒過
驛閣歸帆遠羨指龍沙名題小篆矜垂露詩作吳
吟對綺霞歲暮定知迴未得信來憑為寄梅花

送元帥書記高郎中出為婺源建威軍

使

閑

芟

寒風蕭瑟楚江南
記室戎裝挂錦帆
倚馬未曾妨
笑傲斬牲先
要厲威嚴
危言昔日嘗
無隱壯節
今來信不凡
唯有盃盤思
上國酒醪甜
淡菜蔬甘

游方山宿李道士房

從來未面李先生
借我西牕卧月明
二十三家同願識
素驪何日暫還城

題畫石山

彼美巉巖石
誰施黼藻功
回巖明照地
絕壁爛臨空
錦段鮮湏濯
羅屏展勢窮
不因秋蘚綠
非假晚霞紅
羽客藏書洞
樵人取箭風
靈蹤理難問
仙路

去何通返駕歸塵裏留情向此中
迴瞻畫圖畔遙羨面山翁

臨石步港

碕岸隳紫帶微風起細連綠陰三月後
倒影亂峯前吹浪游鱗小黏苔碎石圓
會將腰下組換取釣魚船

病題二首

性靈慵懶百無能唯被朝參遣風興聖主優容恩
未答丹經踈濶病相陵脾傷對客偏愁酒眼暗者
書每媿燈進與時來不知退可憐身計謾騰騰

陽

曙

人間多事本難論，况是人間嬾慢人。
不解養生何怪病，已能知命敢辭貧。
向空咄咄煩書字，與世滔滔莫問津。
金馬門前君若識，否東方曼倩是前身。

寄江州蕭給事

夕郎憂國不憂身，今向天涯作逐臣。
寃夢暗馳龍闕曙，嘯吟閒繞虎谿春。
朝車載酒過山寺，諫紙題詩寄野人。
惆悵懦夫何足道，自離羣後已同塵。

和江州江中丞見寄

賈傅南遷久，江關道路遙。
北來空見鴈，西去不如潮。
鼠穴依城社，鴻飛在泖寥。
高低各有處，不擬更

相招

和鍾郎中送朱先輩還京垂寄

分司洗馬無人問
辭客殷勤報棹歌
蒼蘚滿庭行徑小
高梧臨檻雨聲多
春愁盡付千盃酒
鄉思遙聞一曲歌
且共勝遊消永日
西岡風物近如何

送郝郎中為浙西判官

大藩從事本優賢
幕府仍當北固前
花繞樓臺山倚郭
寺臨江海水連天
恐君到即忘歸日
憶我遊曾歷二年
若許他時作閒伴
殷勤為買釣魚船

翰林游舍人清明日入院中塗見過余

船

船

明日亦入西省上直因寄游君

榆柳開新燭梨花發故枝
輜輶隘城市圭組坐曹
司獨對芝泥檢遙憐白馬兒
禁林還視草氣味兩
相知

陪王庶子游後湖涵虛閣東宮園

懸圃清虛乍過秋看山尋水上
茲樓輕鷗的的飛
難沒紅葉紛紛晚更稠
風卷微雲分遠岫浪搖晴
日照中州躋攀况有承華客
如在南皮奉勝遊

柳枝辭十二首

把酒憑君唱柳枝也從絲管遞相隨
逢春只合朝

徐公集二
朝醉記取秋風落葉時

南園日暮起春風吹散楊花雪滿空不惜楊花飛
也得愁君老盡臉邊紅

陌上朱門柳映花簾鈎半卷綠陰斜憑郎暫駐青
驄馬此是錢塘小小家

夾岸朱欄柳映樓綠波平慢帶花流歌聲不出長
條密忽地風迴見綵舟

老大逢春揔恨春綠楊陰裏最愁人舊游一別無
因見嫩葉如眉處處新

濛濛堤畔柳含煙疑是陽和二月天醉裏不知時

樹

節改漫隨兒女打鞦韆

水閣春來乍減寒
曉粧初罷倚欄干
長條亂拂春波動
不許佳人照影看

柳岸烟昏醉裏歸
不知深處有芳菲
重來已見花飄盡
唯有黃鸝轉樹飛

此去仙源不是遠
垂楊深處有朱橋
共君同過朱橋去
密映垂楊聽洞簫

暫別揚州十度春
不知光景屬何人
一帆歸客千條柳
腸斷東風楊子津

仙樂春來案舞腰
清聲偏似傍嬌饒
應緣鶯舌多

情賴長向雙成說翠條
鳳笙臨檻不能吹舞袖當筵亦自疑唯有美人多
意緒解衣芳態盡雙眉

徐公文集卷第二

開化風
k arhua lib

徐公文集卷第三 詩三

東海 徐言鉉

貶官泰州出城作

浮名浮利信悠悠四海干戈痛主憂
三諫不從為逐客一身無累似虛舟
滿朝權貴皆曾忤繞郭林泉已徧游
唯有戀恩終不改半程猶自望城樓

過江

別路知何極離腸有所思登樓望城遠
搖櫓過江遲斷岸煙中失長天水際垂
此心非橘柚不為兩鄉移

鱸

徐公集二
經東都太子橋

綸闈放逐知何道
桂苑風流且暫歸
莫問升遷橋上客
身謀踈拙舊心違

贈維揚故人

東京少長認維桑
書劍誰教入帝鄉
一事無成空放逐
故人相見重淒涼
樓臺寂寞官何晚
人物稀踈驛路長
莫怪臨風惆悵久
十年春色憶維揚

秦州道中却寄東京故人

風緊雨淒淒
川迴岸漸低
吳州林外近
隋苑霧中迷
聚散紛如此
悲歡豈易齊
料君殘酒醒
還聽子

規啼

得浙西郝判官書未及報聞燕王移鎮

京口因寄此詩問方判官田書記消息

秋風海上久離居曾得劉公一紙書
淡水心情長若此銀鈎蹤迹更無如
嘗憂座側飛鴉鳥未暇江中覓鯉魚
今日京吳建朱郎問君誰共曳長裾

贈陶使君求梨

昨宵宴罷醉如泥惟憶張公大谷梨
白玉花繁曾綴慶黃金色嫩昨成時
冷侵肺腑醒偏蚤香惹衣襟歇倍遲
今日中山方酒渴唯應此物最相宜

乍
助
早

陳覺放還至秦州以詩見寄作此答之
朱雲曾為漢家憂不怕交親作世仇
壯氣未平空咄咄狂言無驗信
悠悠今朝我作傷弓鳥却羨君
為不繫舟勞寄新詩平宿憾
此生心氣貫清秋

王三十七自京岳訪作此送之

失鄉遷客在天涯門揜苔垣向水斜
只就鱗鴻求遠信敢言車馬訪貧家
煙生柳岸將垂縷雪壓梅園半
是花惆悵明朝罇酒散夢魂相送到京華

陶使君挽歌二首

太守今可在行春去不歸
筵空收管吹郊迥儼駢

灑

駢營外星纔落園中露已晞傷心梁上鷺猶解向
人飛

始憶花前宴笙歌醉夕陽那堪城外送哀挽逐歸
艤鈴閣朝猶閉風亭日已荒唯餘遷客淚霑洒後
池傍

雪中作

賦分多情客經年去國心疎鍾寒郭晚密雪水亭
深影迴鴻投渚聲愁雀噪林他鄉一罇酒獨坐不
成斟

賦得風光草際浮

宿露依芳草春郊古陌旁風輕不盡偃日早未晞
陽耿耿依平遠離離入望長映空無定彩飄逕有
餘光颯若荷珠亂紛如燭火颺詩人多感物凝思
鏡池塘

寒食成判官垂訪因贈

常年寒食在京華今歲清明在海涯遠巷蹋歌深
夜月隔牆吹管數枝花鶯鶯得路音塵闊鴻雁分
飛道里賒不是多情成二十斲無人解訪貧家

送客至城西望圖山因寄浙西府中

救叟鄰生笑語同莫嗟江上聽秋風君看逐客思

鴈 蘼

鄉處猶在圖山更向東

送寫真成處士入京

傳神蹤迹本來高澤畔形容媿彩毫京邑功臣多
佇望凌煙閣上莫辭勞

九日雨中

茱萸房重雨霏微去國逢秋此恨稀目極暫登臺
上望心遙長向夢中歸荃蘼路遠愁霜早兄弟鄉
遙羨雁飛唯有多情一枝菊滿盃顏色自依依

寄外甥苗武仲

放逐今來漲海邊親情多在鳳臺前且將聚散為

閑事須信華枯是偶然
蟬噪疎林村倚郭
鳥飛殘照水連天
此中唯欠韓康伯
共對秋風詠數篇

寄從兄憲無示二弟

別路吳將楚
離憂弟與兄
斷雲驚晚吹
秋色滿孤城
信遠鴻初下
鄉遙月共明
一枝棲未穩
迴首望

三京

附書與鍾郎中因寄京妓越賓

暮春橋下手封書
海陵橋名寄向南江問越姑
不道諸郎少歡笑
經年相別憶儂無

鍾代答

音

一幅輕綃寄海濱
越姑長感昔時恩
欲知別後情
多少點點憑君看
淚痕

亞元舍人不替深知猥貽佳作三篇清

絕不敢輕酬因為長歌聊以為報未竟

復得子喬校書示問故無寄陳君庶資

一笑耳

海陵城裏春正月
海畔朝陽照殘雪
城中有客獨

登樓遠望天邊白
銀闕

天帝以黃金為宮闕

白銀闕下何

英英雕鞍繡轂趨承明
閭門曉闕旌旗影
玉墀風細佩環聲
此處追飛皆俊彥
當年河事容疵賤
懷

勢

驚

鈞畫坐紫微宮焚香夜直明光殿王言簡靜官司
閑朋好殷勤多往還新亭風景如東洛邱嶺林泉
似北山光陰暗度盃盃裏職業未妨談笑間有時
邀賓復携妓造門不問都非是酣歌叫笑驚四鄰
賦筆縱橫動千字任他銀箭轉更籌不怕金吾司
夜更可憐諸貴賢且才時情物望兩無猜伊余獨
稟狂獨性褊量多言仍薄命吞舟可漏豈無恩負
來自貽非不幸一朝削跡為遷客旦暮青雲千里
隔離鴻別鴈各分飛折柳攀花兩無色盧龍渡口
問迷津瓜步山前送暮春

去年三月三十日瓜步阻風

白沙江

佐

上曾行路青林花落何紛紛漢皇昔幸回中道元昇

中扈駕東極目牛羊卧芳草舊宅重遊盡隙荒故

人相見多衰老草禪智寺山光橋風瑟瑟兮雨蕭蕭

行盃已醒殘夢斷征途未極離魂消海陵郡中陶

太守相逢本是隨行舊乍申拜起已開眉却問辛

勤還執手精廬水榭最清幽一稅征車聊駐留閉

門思過謝來客知恩省分寬離憂郡齋勝境有後

池山亭茵閣互參差有時虛左來相召舉白飛觴

任所為多才太守能過鼓醉送金船間歌舞酒酣

耳熱眼生花暫似京華歡會處歸來旅館還端居

蘇東坡集卷三十一

詞

自
嘉

五

清風明月夜
窓虛駸駸
流景歲云暮
天涯望斷故

人書春來憑檻方歎息
仰頭忽見南來翼
足繫紅

歲墮我前引頸長鳴
如有言開絨試讀相思字
乃

是多情喬亞元短韻三篇皆麗絕
小梅寄意情偏

切亞元詩云借問小梅應得信
春風新風海邊來此篇尤佳
金蘭投分一何堅

銀鈎置袖終難滅
醉後狂言何足奇
感君知己不

相遺長卿曾作美人賦
玄成今有責躬詩
醉去春中贈

醉妓長歌酷為喬君所賞來篇所引故以謝之
報章欲託還京信
筆拙紙

窮情未盡珍重芸香
陳子喬亦解貽書
遠相問字

須買藥療羈愁
只恨無書消鄙吝
子喬問藥物所要又問置新書

故有游處當時靡不同歡娛今日兩成空天子尚
此句游處當時靡不同歡娛今日兩成空天子尚
應憐賈誼時人未要嘲楊雄曲終筆閣絨封已翩
翩驛騎行塵起寄向中朝謝故人為說相思意如
此

送蒯司錄歸京

早年聞有蒯先生二十餘年道不行抵掌曾論天
下事折腰猶悟俗人情老還上國歡娛少貧聚歸
資結束輕遷客臨流倍惆悵冷風黃葉滿山城

聞查建州陷賊寄鍾郎中

謨即查
從事也

聞道將軍輕壯圖螺江城下委犀渠旌旗零落沉

荒服簪履蕭條返故居皓首應全蘇武節故人誰
得李陵書自憐放逐無長策空使盧諶淚滿裾

還過東都留守周公筵上贈座客

賈生三載在長沙故友相思道路賒已分終年甘
寂寞豈知今日返京華麟符上相思偏厚隋苑留
歡日欲斜明旦江頭倍惆悵遠山芳草映殘霞

送楊郎中唐負外奉使河南

江邊微雨柳條新握節含看二使臣兩綬對懸雲
夢日方舟齊汎洞庭春今朝草木逢新律昨日山
川滿戰塵同是多情懷古客不妨為賦弔靈均

歸綸

表弟包頴見寄

此子侍親在饒州累年卧疾

常思帝里奉交親
別後光陰屈指頻
蘭佩却綸歸閣下
荆枝猶寄楚江濱
十程山水勞幽夢
滿院煙花醉別人
料得此生強健在
會須重賞昔年春

和

平生中表最情親
浮世那堪聚散頻
謝眺却吟歸省閣
劉楨猶自卧漳濱
舊游半似前生事
要路多逢後進人
且喜新吟報強健
明年相望杏園春

寄蕭給事

蕭江西致任

危言危行古時人
歸向西山卧白雲
買宅尚尋徐

處士瓊霞終訪許真君容顏別後應如故詩詠年
來更不聞今日城中春又至落梅愁緒共紛紛

送鍾負外詩序

歲辛亥冬十月天子命吾友德林為東府亞尹太
弟諭德蕭君洎諸客餞于石頭城雲日蒼茫園林
搖落罇酒將竭征帆欲飛處者眷眷而不能廻行
者遲遲而不忍去煙生景夕風靜江平君子曰公
足以減私子當促棹詩所以言志我當分題故以
風月松竹山石寄情於贈別云爾兵部負外郎知
制誥徐鉉序

賦石奉送德林少尹貞外 鉉上

我愛他山石中含絕代珍
煙披寒落落沙淺靜磷
磷翠色辭文陛清聲出
泗濱扁舟載歸去知是
沈
槎人

賦月

蕭彥上

麗事金波滿當筵玉笋傾
因思頻聚散幾復換虧
盈光澈離襟冷聲符別
管清那堪還目此兩地倚
樓情

賦竹

孫峴上

萬物中蕭洒修篁獨逸羣
貞姿曾冒雪高節欲凌

灑
貞

雲細韻風初發
濃煙日正曛
因題偏惜別
不可暫無君

賦松

謝仲宣上

送人多折柳
唯我獨吟松
若保歲寒在
何妨霜雪重
森梢逢靜境
廓落見孤峯
還似君高節
亭亭甚纒蹤

賦風

王沂上

靜追蘋末興
况復值蕭條
猛勢資新雁
寒聲伴暮潮
過山雲散亂
經樹葉飄飄
今日煙江上
征帆望望遙

鴈 樹

賦山別諸知己

鍾循上

暮景江亭上雲山日望多
只愁辭輦轂長恨隔嵯峨
有意圖功業無心憶薜蘿
親朋將遠別且共醉笙歌

贈秦州掾令狐克已

文公曾孫

念子才多命且奇
亂中拋擲少年時
深藏七澤衣如雪
却見中朝髮似絲
舊德在人終遠大
高舟為吏莫推辭
孤芳自愛凌霜處
詠取文公白菊詩

送荻柴與秀才朱觀

羨子清吟處茅齋面碧流
解憎蓮艷俗唯欠荻花

裁

鷺樹

幽鷺立低枝晚風鷺折葉秋贈君須種取不必樹
忘憂

使浙西先寄獻燕王侍中

京江風靜喜乘流極目遠瞻萬歲樓喜氣籠蕊甘
露晚水煙波淡海門秋五年不見鷺臺長明日將
陪鬼苑遊欲問平臺門下史相君還許吐茵不

常州驛中喜雨

颼颼旱天雨涼風一夕迴遠尋南畝去細入驛亭
來蓑唱牛初牧漁歌棹正開盈度頓無事歸思酌

金壘

江

驛中七夕

七夕雨初霽行人正憶家江天望河漢水館折蓮
花獨坐涼何甚微吟月易斜今年不乞巧鈍拙轉
堪嗟

贈浙西顧推官

盛府賓寮八十餘閉門高卧興無如梁王苑裏相
逢早澗浦城中得信疎狼籍杯盤重會面風流才
調一如初願君百歲猶强健他日相尋隱士廬

贈浙西妓亞仙

筵上作

翠黛頻如怨朱顏醉更春占將南國貌惱殺別家

殷

人粉汗沾巡盞花鈿逐舞茵明朝綺牕下離恨兩
殷勤

迴至瓜洲獻侍中

紫微垣裏舊賓從來向吳門謁府公奉使謬持嚴
勅節登門初識魯王宮笙歌隱隱違離後煙水茫
茫悵望中日暮瓜洲江北岸兩行清淚滴西風

邵伯球下寄高郵陳郎中

故人相別動經年候館相逢倍慘然顧我飲冰難
輟棹感君扶病為開筵河灣水淺翹愁鷺柳岸風
微噪暮蟬欲識酒醒竟斷處謝公祠畔客亭前

謫居館州累得韓高二舍人書作此寄之

三峯煙靄碧臨谿中有騷人理釣絲會友少於分

袂日謫居多却在朝時丹心歷歷吾終信俗慮悠

悠爾不知珍重韓君與高子殷勤書札寄相思

以潛曉天
柱為三峯

和張先輩見寄二首

去國離羣擲歲華病容憔悴媿丹沙谿連舍下衣

長潤山帶城邊日易斜幾處垂鈎依野岸有時披

褐到鄉家故人書札頻相慰誰道西京道路賒

清時淪放在山州却竹紗巾處游野日蒼茫悲

蘇公集卷三

知

樹

鵬舍水風陰濕弊韶表雞鳴候旦寧辭晦松節凌
霜幾換秋兩首新詩千里道感君情分獨如丘

印秀才至舒州見尋別後寄詩依韻和

羈游白社身雖屈高步辭場道不卑投分共為知
我者相尋多媿謫居時離懷耿耿年來夢厚意勤

勤別後詩今日谿邊正相憶雪晴山秀柳絲垂

行園樹

松節凌霜久蓬根逐吹頻羣生各有性苑李但爭春

題雷公井

揜霽愚公谷蕭寥羽客家俗人知處所應為有桃花

梅齋愚公谷蕭寥羽客家俗人知處所慮為有桃花

送彭秀才

賈生去國已三年短褐閑行皖水邊
盡日野雲生舍下有時京信到
門前無人與和投湘賦媿子來
浮訪戴船滿袖新詩好迴去莫隨騷客醉林泉

移饒州別周使君

正憐東道感賢侯何幸高冠脫楚囚
皖伯臺前收別宴喬公亭下議行舟
四年去國身將老百郡徵兵主尚憂
更向鄱陽河上去青衫憔悴淚交流

避難東歸依韻和黃秀才見寄

感感逢人問所之東流相送向京畿
自甘逐客紐

徵

樹

蘭佩不料平民著戰衣。樹帶荒村春冷落。江澄霽
色霧霏微。時危道喪無才術。空手徘徊不忍歸。

訓郭先輩

太原郭夫子行高文炳蔚。弱齡負世譽。一舉游月窟。
仙籍第三人。時人故稱屈。昔余吏西省。傾蓋名籍籍。
藉及我竄羣。舒向風心鬱鬱。歸來暮江上。雲霧一
披拂。雷雨不下施。猶作池中物。念君介然氣。感時
思奮發。示我數篇文。與古爭馳突。綵褥粲英華。理
深刮肌骨。古詩尤精奧。史論皆宏拔。舉此措諸民。
何憂民不活。吁嗟吾道薄。與世長迂濶。顧我徒有

樹署

心數竒身正繼論兵屬少年經國須儒術夫子無
自輕蒼生正愁疾

和集賢鍾郎中

石渠冊府神仙署當用明朝第一人腰下別懸新
印綬堂中皆是故交親龍池樹色供清景浴殿香
風接近隣從此翻飛應更遠編尋三十六天春

送劉山陽

舊族知名士朱衣宰楚城所嗟吾道薄豈是主恩
輕戰鼓何時息儒冠獨自行此心多感激相送若
為情

題伏龜山北隅

茲山信岑寂陰崖積蒼翠水石何必多宛有千巖
 意孰知近人境旦暮含佳氣池影搖輕風林光澹
 新霽支頤藉芳草自足忘世事未得歸去來聊為
 宴居地

送黃梅江明府江前為江夏今有善政

作此和之

封疆多難正經綸臺閣如何不用君江上又勞為
 小邑篋中徒自有雄文書生胆氣人誰信遠俗歌
 謠主不聞一首新詩無限意再三吟咏向秋雲

味 膽

釣

詠梅子真送郭先輩

忠臣本愛君仁人本愛民寧知貴與賤豈計名與
 身梅生為一尉獻疏來君門君門深萬里金虎重
 千鈞向承且不用劉向谷永况復論子真拂衣遂長往
 高節邈無鄰至今仙籍中謂之梅真人郭生負逸
 氣百代繼遺塵進退生自知得喪吾不陳斯民苟
 有幸期于一朝伸

和蕭郎中平日見寄

細雨輕風采藥時
 暮簾隱几更何為
 豈知澤畔紉
 蘭客來赴城中
 有春期多罪
 靜思如剉蘘
 故書統

聽似含飴謝公制勝常閑暇願接西州敵手碁

送黃秀才姑熟辟命

世亂離情苦家貧色養難水雲孤棹去風雨暮春
寒幕府才方急騷人淚未乾何時王道泰萬里看

鵬搏

送王四十五歸東都

海內兵方起離筵淚易垂憐君負米去惜此落花
時想憶看來信相寬指後期殷勤手中柳此是向

南枝

和太常蕭少卿近郊馬上偶吟

...

緣

驚

田園經雨綠分畦
飛蓋閑行九里堤
拂袖清風塵不起
滿川芳草路如迷
林間始覺晴天迥
潮上初驚浦岸聲
怪得仙郎詩句好
斷霞殘照遠山西

又和

抱甕何人灌藥畦
金銜為爾駐平堤
村橋野店景無限
綠水晴天思欲迷
橫笛乍隨輕吹斷
歸帆疑與遠山齊
鳳城迴望真堪畫
萬戶千門蔣嶠西

拋毬樂辭二首

歌舞送飛毬
金觥碧玉籌
管弦桃李月
簾幕鳳凰樓
一笑千場醉
浮生任白頭

傳

樹

容

灼灼傳花枝紛紛度盡旂不知紅燭下照見彩毬
飛借勢因期尅巫山暮雨歸

離歌辭五首

莫折紅芳樹但平知盡意者任風幸無意那忍折教殘
朝日城南路旌旗照綠蕪使君何處去桑下寬羅敷
事與年俱往情將分共深莫驚客髮改只是舊時心
暫別勞相送佳期願莫違朱顏不須老留取待郎歸
拂面收珠佩迴燈拭薄粧莫嫌春夜短匹似楚襄王

夢游三首

寃夢悠揚不奈何夜來還在故人家香濛蠟燭時

於

時暗戶映屏風故故斜檀的慢調銀字管雲鬟低
綴折枝花天明又作人間別洞口春深道路賒
繡幌銀屏香靄間若非菟夢到應難認前人靜偏
宜夜戶內春濃不識寒蕪甲遮觴纖似玉含詞恣
笑膩手檀錦書若要知名字滿縣花開不姓潘
南國佳人字玉兒芙蓉雙臉遠山眉仙郎有約長
相憶阿母無猜不得知夢裏行雲還倏忽暗中携
手乍疑遲因思別後閉牕下織得迴文幾首詩

徐公文集卷第三

徐公文集卷之三

權

u r y

平下孫題國

壽

u r y

陳辭阿

圖

u r y

案海下

正身元

化

u r y

然休射

開

u r y

誠部

L

徐公文集卷第四

東海徐口口銘

和蕭少邨見慶新居

湘浦懷沙已不疑
京城賜第豈前期
鼓聲到曉知坊遠
山色來多與靜宜
簪屨尚應憐故物
稻梁空自愧華池
新詩問我偏饒思
還念鱣鷠得一枝

又和

鷺蓬偶駐知多幸
斷鴈重聯愜素期
當戶小山如舊識
上墻幽蘚最相宜
清風不去因栽竹
隙地無多也鑿池
更喜良鄰有嘉樹
綠陰分得近南枝

樹

送勳道人之建安

下國兵方起君家義獨聞若為輕世利歸去卧溪
雲挂席衝嵐翠携筇破蘚紋離情似霜葉江上正
紛紛

送許郎中歙州判官無黠縣

嘗聞黠縣似桃源况是優游冠玳筵遺愛非遙應

卧理許嘗宰祖風猶在好尋仙許宣平朝衣舊

識薰香吏祿米初營種林田大底宦游須自遣莫

辭離別二三年

送彭秀才南游

懔

問君孤棹去何之
玉筍春風楚水西
山上斷雲分翠靄
林間晴雪入澄溪
琴心酒趣神相會
道士仙童手共携
他日時清更隨計
莫如劉阮洞中迷

和明上人除夜見寄

酌酒圍爐久愁襟
默自增長年
逢歲暮多病見兵
興夜色開庭燎
寒威入硯水
湯師無別念
吟坐一燈凝

正初和鄂州邊郎中見寄

潦倒含香客
淒涼賦鵬人
未能全卷舌
終擬學垂綸
故友暌離久
音書問訊頻
相思俱老大
又見一

年新

送劉司直出宰

之子有雄文風標秀不羣
低飛從墨綬逸志在青
雲柳色臨流動春光到縣分
賢人多靜理未與醉

醺醺

送徒兄赴臨川幕

梁王籍寵就東藩還名鄒
枚坐兔園今日好論天
下事昔年同受主人恩
石頭城下春潮滿金柅亭
邊綠樹繁唯有音書慰離別
一杯相送別無言

送龔負外赴江州幕

煩君更上築金臺世難民勞藉俊才自有聲名馳
羽檄不妨談笑奉樽罍元規樓迥清風滿匡俗仙
春盡障開莫忘故人離別恨海潮迴處寄書來

送朱先輩尉廬陵

我重朱夫子依然見古人成名無媿色得祿及慈
親莫歎官資屈寧論活計貧平生心氣在終在靜

邊塵

送德林郎中學士赴東府詩序

德林始以才術優贍入恭近司旋以地望清雅寵
登書殿會東畿克復上以君有遺愛於淮海之都

故輟侍從之班攝尹正之任吾一二親友共餞行
舟鉉也不才請以言贈理大國若烹小鮮言不可
撓之也况亂後乎德林當本仁守信體寬務斷大
兵之後民各思又聽其自理任其自營為之上者
導其蒙遏其淫而已示之以聰明則民益迷拘之
以禁令則民重困棄仁則吏暴失信則衆惑急則
民傷不斷則民懈慎此四者何往而不滅噫嘻吾
黨皆忘形者也平生以來胥會者幾何思當雞犬
相聞舟輿不接開口而笑携手而遊在吾輩勉之
而已忘身徇國急病讓夷德林此行宜減離戀盡

雞

讓

各賦一物以為贈乎九月十七日序

得江 奉送德林郎中學士 喬彞上

襟袂向江頭朝宗勢未休何人乘桂楫之子過揚
州颺颺翹沙雁漂漂逐浪鷗欲知離別恨半是淚
和流

得酒

徐鉉上

酌此杯中物茱萸滿把秋今朝將送別他日是忘
憂世亂方多事年加易得愁政成頻一醉亦未減
風流

得菊

蕭彞上

徐公集四

離情折楊柳此別異春哉含露東籬豔汎香南浦
杯惜持行次贈留挿醉中迴暮齒如能制玉山甘
判類

得遠山 徐鍇上

瓜步妖氛滅崑崙草樹清終朝空極望今日送君
行報政秋雲靜微吟曉月生樓中長可見持用減

離情

得水 陳元裕上

上善湛然秋息波洽帝猷漫言生險浪愷爽見安
流汎去星槎遠澄來月練浮滔滔對離酌入洛稱

仙舟

得新鴻別諸同志 鍾蓓上

隨陽來萬里 點點度遙空
影落長江水 聲悲半夜
風殘秋辭絕 漠無定似鶯
蓬我有離羣恨 飄飄類
此鴻

送陳先生之洪井寄蕭少卿

聞君仙袂指洪涯 我憶情人別路賒
知有歡娛游楚澤 更無書札到京華
雲間驛閣連江靜 春滿西山倚漢斜
此處相逢應見問 為言搔首望龍沙

送龔明府九江歸寧

茂宰隳官去扁舟著綠衣
 湓城春酒熟匡阜野花
 稀解纜垂楊綠開帆宿
 鷺飛一朝吾道泰還遂
 落潮歸

和江西蕭少卿見寄二首

亡羊岐路媿司南二紀窮
 通聚散三老去何妨從
 笑傲病來看欲懶朝恭
 離腸似線常憂斷世態如
 湯不可採珍重加飡省思
 慮時時斟酒壓山嵐
 身遙上國三千里名在朝
 中二十春金印不須辭
 入麻衣曾此歎迷津卷舒
 由我真齊物憂喜忘心
 即養神世路風波自翻覆
 虛舟無計得沉淪

弦徵

無

送薛少卿赴青陽

我愛陶靖節吏隱從茲歌我愛費微君高卧歸九
華清風激顏波來者何以加我志兩不遂漂淪浩
無涯數竒時且亂此圖今愈賒賢哉薛夫子高舉
凌晨霞安民即是道投足皆為家功名與權位悠
悠何用誇携朋出遠郊酌酒藉平沙雲收遠天靜
江闊片帆斜離懷與企羨南望長咨嗟

送高起居之涇縣

右史罷朝歸之官句水涓別我行千里送君傾一
卮酒罷長歎息此歎君應悲亂中吾道薄御族舊

樹

人稀胡為佩銅墨去此白玉墀
史事豈所堪民病何可醫
歲用清其心此外慎勿為縣郭
有佳境千峯谿水西雲樹杳迴
合巖巒互蔽虧彈琴坐其中
世事吾不知時時寄書札以慰
長相思

宿茅山寄舍弟

茅許稟靈氣一家同上賓
仙山空有廟舉世更無人
獨往誠違俗浮名亦累真
當年各自勉雲洞鎮長春

晚憩白鶴廟寄白客張少府

日入林初靜山空暑更寒
泉鳴細巖竇鶴唳眇雲

樹

端拂榻安碁局焚香戴道冠望君殊不見終夕凭欄干

題紫陽觀

南朝名士富仙才
追步東鄉遂不迴
丹井自深桐暗老
祠宮長在鶴頻來
巖邊桂樹攀仍倚
洞口桃花落復開
惆悵霓裳太平事
一函真跡鏤昭臺

贈奚道士

含象

先生曾有洞天期
猶傍天壇摘紫芝
處世自能心混沌
全真誰見德支離
玉霄塵閉人長在
金鼎功成俗未知
他日懸輪謁茅許
願同雞犬去相隨

樹

玄

玄

題碧巖亭贈孫尊師

絕境何人識高亭萬象含
凭軒臨樹杪逆目極天
南積霽生泉洞歸雲鎖石龕
丹霞披翠巘白鳥帶
晴嵐仙去留虛室龍歸漲碧潭
幽巖君獨愛玄味
我曾耽世上愁何限
人間事久諳終須脫羈鞅
來此會空談

題白鶴廟

平生心事向玄關
一入仙鄉似舊山
白鶴唳空晴
耿耿丹砂流澗暮
潺潺膏嗟多病
嫌中藥擬問真
經乞小還滿洞煙霞
五陵亂何峯臺樹是蕭閑

陵

步虛詞五首

氣為還元正心由抱一靈凝神歸圖象飛步入青
冥翹服東三素旋網躡九星瓊童開後學稽首奉

真經

天帝黃金闕真人紫錦書霓裳紛蔽景羽服迥臨
虛白鶴能為使班麟解駕車靈符終願借轉共世

情踈

聖主過幽谷虛皇在藥宮五千宗物母七字祕神
童世上金壺遠人間玉籙空唯餘養身法修此與

天通

玄

何處求玄解人間有洞天勤行皆是道謫下尚為
仙蔽景來未鳳排虛駕紫煙不嫌園吏傲願在玉
宸前

三素霏霏遠盟威凜凜寒火鈴空滅沒星斗曉
千佩響流虛殿爐煙在醮壇蕭寥不可極駉駕上
雲端

留題

瑤壇醮罷晚雲開羽客分飛俗士迴為報移文不
須勒未曾游處待重來

和陳洗馬山莊新泉

易

已開山館待抽簪
更要巖泉欲洗心
常被松聲迷
細韻急流花片落
高峯便疏淺瀨穿
莎徑始有清
光映竹林何日煎
茶醞香酒沙邊同
聽暝猿吟

奉和七夕應令

今宵星漢共晶光
應笑羅敷嫁待郎
斗柄易傾離
恨促河流不盡後
期長靜聞天籟疑
鳴佩醉折荷
花想豔粧誰見宣
猷堂上宴一篇清
韻振金鐙

又和八日

微雲踈雨淡新秋
曉夢依稀十二樓
故作別離應
有以擬延更漏
共無由那教人世
長多恨未必天

仙不解愁博望苑中殘酒醒香風佳氣獨遲留

和印先輩及第後獻座主朱舍人郊居

之作

成名郊外揜柴扉樹影蟬聲共息機積雨暗封青

蘚徑好風輕透白踈衣嘉魚始賦人爭訟荆玉頻

收國自肥獨坐公廳正煩暑嘉吟新咏見玄微以印

南有嘉魚賦及第

和致仕張尚書新創道院

梓澤成新致金丹有舊情挂冠朝睡足隱几暮江

清藥圃分輕綠松窓起細聲養高寧厭病默坐對

諸生

尚書時
有瘡疾

和尉遲贊善秋暮僻居

登高節物最堪憐
小嶺疎林對檻前
輕吹斷時雲縹緲
夕陽明處水澄鮮
江城秋早催寒事
望苑朝稀足晏眠
庭有菊花罇有酒
若方陶令媿猶賢

和陳贊善致仕還京口

海門山下一漁舟
中有高人未白頭
已駕安車歸故里
尚通閩籍在龍樓
泉聲漱玉牕前落
江色和煙檻外流
今日君臣厚終始
不須辛苦畫雙牛

京使迴自臨川得從兄書寄詩依韻和

何 劬

徐公集四
珍重還京使殷勤話故人別離長挂夢寵祿不關
身趣向今成道聲華舊絕塵莫嗟容鬢老詩句逐
時新

陪鄭王相公賦簷前垂冰應教依韻

總外虛明雪乍晴簷前垂雷盡成冰長廊瓦疊行
行窠晚院風高寸寸增玉指乍拈簪尚媿金階時
墜磬難勝晨冷堪醒曹叅酒自恨空腸病不能

送禮部潘尚書致仕還建安

名遂功成累復輕鱸魚因起舊鄉情履聲初下金
華省帆影看離石首城化劍津頭尋故老同亭會

鷺

弦
鷺

上問仙卿冥鴻高舉真難事相送何須淚滿纓

和尉遲贊善病中見寄

仙郎移病暑天過却似冥鴻避爵羅晝夢乍鷺風
動竹夜吟時覺露霑莎情親稍喜貧居近性懶猶
嫌上直多望苑恩深期勿藥青雲歧路未蹉跎

池州陳使君見示游齊山詩因寄

狂歲曾遊弄水亭齊峯濃翠暮軒橫哀猿出檻心
雖喜傷鳥聞弦勢易鷺病後簪纓殊寡興老來泉
石倍關情今朝池口風波靜遙賀山前有頌聲

再頌制誥和王明府見賀

樹

蹇步還依列宿遙拱辰重認舊雲天自嗟多難飄
零困不似當年膽氣全雞樹晚花踈向日龍池輕
浪細含煙從來不解為身計一葉悠悠任大川

送高舍人使嶺南

西掖官曹近南溟道路遙使星將渡漢仙掌乍乘
潮柳映靈和拆梅依大庾飄江帆風浙浙山館雨
蕭蕭陸賈真迂濶終童久寂寥送君何限意把酒
一長謠

和王明府見寄

時情世難消我道薄宦流年厄此身莫歎京華同

寂寞曾經兵革共漂淪對山開戶唯求靜
貫酒留賓不道貧善政空多尚淹屈不知誰是解憂民

和方秦州見寄

逐客恹恹重入京舊愁新恨兩難勝
雲收楚塞千山雪風結秦淮一尺冰
置禮筵空情豈盡投湘文就思如疑
更殘月落知孤坐遙望船牕一點星

文獻太子挽歌辭五首

國有承祧重人知秉哲尊清風來望苑
遺烈在東藩此日升維嶺何因到寢門
天高不可問煙靄共昏昏

驚

讓樹

高

夏啓我君子周儲上帝賓音容一飄忽功業自紛
綸露泣承華月風驚麗正塵空餘商嶺客行哭下
宜春

出處成交讓經綸有大功淚碑瓜步北棠樹蒜山
東百揆方時叙重離遂不融故臣偏感咽曾是歎
三窮

甲觀光陰促園陵天地長蕭笳咽無韻賓御哭相
將盛烈傳彝鼎遺文被樂章君臣知己分零淚亂
無行

綠仗清晨出非同齒冑時愁煙鏢平甸朔吹繞寒

署

枝楚客來何補維山去莫追迴瞻飛蓋處擗袂不
勝悲

送王負外宰德安

家世朱門貴官資粉署優今為百里長應好五峯
游柳影連彭澤湖光接庾樓承明湏再入官滿莫
淹留

以端谿硯訓張負外水精珠兼和來篇
請以端谿潤疇君水玉明方圓雖異器功用信俱
呈自得山川秀能分日月精中箱各珍重所貴在
交情

閑 徵

奉使九華山中塗遇青陽薛郎中

故人相別動相思
此地相逢豈素期
九子峰前聞未得
五谿橋上坐多時
甘泉從幸余知忝
宣室徵還子未遲
且飲一杯消別恨
野花風起漸離披

奉命南使經彭澤

值王明府不在留此

遠使程途未一分
離心常要醉醺醺
那堪彭澤門前立
黃菊蕭疎不見君

南都遇前嘉魚劉令言游閩嶺作此與之

我持使節經韶石
君作閒遊過武夷
兩地山光成獨賞
隔年鄉思暗相知
洪涯壇上長岑寂
孺子亭

閑

此
節

前自別離珍重分岐一杯酒強加食飯數吟詩

閣阜山

殿影高低雲掩映松陰繚繞步徘徊從今莫厭簪
裾累不是乘輶不得來

玉筍山留題

仙鄉會應遠王事知何極征傳莫辭勞玉峯聊一
息形骸已銷散心想都凝寂真氣自清虛非關好
松石九仙皆積學洞壑多遺跡遊子歸去來胡為
但征役

廬陵別朱觀先輩

桂籍知名有幾人
翻飛相續上青雲
解怜才子寧
唯我遠作卑官尚見君
嶺外獨持嚴助節
宮中誰薦長卿文
新詩試為重高詠
朝漢臺前不可聞

文或少卿文山郎中交好深至二紀已

餘睽別數年二子長逝奉使嶺表塗次

南康弔孫氏之孤於其家觀文或手書

於僧室慷慨悲歎留題此詩

孫家虛座弔諸孤
張叟僧房見手書
一紀歡游今若此
滿衣零淚欲何如
腰間金印從如斗
鏡裏霜華已滿梳
珍重遠公應笑我
塵心唯此未能除

官 躬

吾

朱處士相與有山水之願見送至南康
作此以別之

憐君送我至南康更憶梅花庾嶺芳
多少仙山共遊在願君百歲尚康強

清明日清遠峽作

嶺外春過半途又新殷勤清遠峽留戀北歸人
迴至南康題紫極宮表道士房

王事信靡盬飲水安足辭胡為擁征傳乃至天南
陸天南非我鄉留滯忽踰時還經羽人家豁若雲
霧披何以寬我懷老莊有微辭達士無不可至人

豈偏為客愁，勿復道為君。吟此詩。

和歙州陳使君見寄

新安風景好，時令肅轅門。身貴心彌下，功多口不言。
韜鈴家法在，儒雅素風存。簪履陪游盛，鄉閭俗化敦。
臨牕山色秀，繞郭水聲喧。織絡文章麗，矜嚴道義尊。
樓臺秋月靜，京庾晚雲屯。曉吹傳衙鼓，晴陽展信幡。
一篇貽友好，千里倍心論。未見歸驂動，空能役夢魂。

和賈負外叅見贈玉葉花栽

瓊瑤一族帶花來，使斲蒼苔手自栽。喜見唐昌舊

樹

顏色為君判病酌金壘

光穆皇后挽歌三首

仙馭期難改坤儀道自光
闕宮新表德沙簾舊曆
祥素帶克門揜凝茹畢陌長
東風慘陵樹無復見
親系

永樂留虛位長陵落夕扉
返虞嚴吉仗復土揜空
衣功業投三母光靈極四妃
唯應彤史在不與露
花瑞

隱隱闔門路烟雲曉更愁
空瞻金輅出非是濯龍
游德感人倫正風行內職
脩還隨偶物化同此畏

樹

軒丘

嚴相公宅牡丹

但是豪家重牡丹，如丞相閣前看。
鳳樓日暖開偏早，雞樹陰濃謝更難。
數朵已應迷國豔，一枝何幸上塵冠。
不知更許憑欄否，爛熳春光未肯殘。

侍宴賦得歸鴈

夜靜羣動息，翩翩一雁歸。
清音天際遠，寒影月中微。
何處雲同宿，長空雪共飛。
陽和常借使，免與素心違。

又賦早春書事

苑裏芳華早，皇家勝事多。
弓聲達春氣，奕思養天

和煖酒紅爐火浮舟綠水波
雪晴農事起擊壤聽
磨歌

薔薇詩一首十八韻呈 東海侍郎

太尉中書令鄭王 從善

綠影覆幽池芳菲四月時
管絃朝夕興組繡百千
枝盛引牆看遍高頻架
屢移露輕濡綵筆蜂誤拂
吟髭日照玲瓏慢風搖翡翠帷
早紅飄蘇地狂蔓
挂蛛絲嫩刺牽衣細
新條窈窕晚香難暫捨
嬌態自相窺深淺分前後
容華互盛衰罇前留客久
月下欲歸遲何處繁臨砌
誰家密映籬絳羅房燦

殷

樹

徐公集四
七
爛碧玉葉參差分得慙慙種開來遠近知晶瑩歌
袖袂柔弱舞霄支膏麝誰將比庭萱自合嗤勻粧
依水鑑泣淚滴烟靄盡擬憑梁廣名宜亞楚姬寄
君十八韻思拙媿新奇

依韻和令公大王薔薇詩

綠樹成陰後羣芳稍歇時誰將新濯錦挂向最長
枝卷箔香先入凭欄影任移賞頻嫌酒渴吟苦怕
霜髭架迴籠雲幄庭虛展繡帷有情縈舞袖無力
習遊絲嫩藥鷺偷采柔條柳伴垂荀池波自照梁
苑客嘗窺玉李尋皆謝金桃亦暗衰花中應獨貴

苑客當窺玉李華皆謝金桃亦暗香花中應獨貴

庭下故開遲委豔粧苔砌分華借槿籬低昂勻灼
爍濃淡疊參差幸植王宮裏仍逢宰府知芳心向
誰許醉態不能支芍藥天教避玫瑰衆共嗤光明
烘晝景潤膩衰輕靄麗似期神女珍加重衛姬君
王偏屬詠七子盡搜奇

和門下殷侍郎新茶二十韻

暖吹入春園新芽競榮然才教鷹嘴折未放雪花
妍荷杖青林下携筐旭景前採茶須在日未出前孕靈資雨
露鍾秀自山川碾後香彌遠烹來色更鮮名隨土
地貴味逐水泉遷力藉流黃暖形模紫筍圓
茶之美者

筭 能

孔讓感

絃

有圓捲 正當鑽柳火遙想湧金泉 陽羨茶山有金

任道時新物須依古法煎輕甌浮綠乳孤竈散餘

烟甘薺非予匹宮槐讓我先 槐芽亦可為茶 竹孤空冉冉

荷弱謾田田解渴消殘酒清神減夜眠十漿何足

饋百榼盡堪捐采擷唯憂晚營求不計錢任公因

焙顯陸氏有經傳愛甚真成僻嘗多合得仙亭臺

虛靜處風月艷陽天自可臨泉石何妨雜管絃東

山似蒙頂願得從諸賢

徐公文集卷第四

徐公文集四

六

徐公文集卷第五 詩五

東海 徐言 鉉

春雪應制

繁陰連曙景瑞雪灑芳辰
勢密猶疑臘風和始覺
春縈林開玉蕊飄座裏
香塵欲識宸心悅雲
謠慰兆人

進雪詩

欲使新正識有年故飄輕絮伴春還
近看瓊樹籠銀闕遠想瑤池帶玉關
潤逐瑟瑟鋪綠野暖隨杯酒上朱顏
朝來花萼樓中宴數曲賡歌雅頌間

樹

曙

自題山亭三首

簪組非無累園林未足歸世喧長不到何必故山
薇小舫行乘月高齋卧看山退公聊自足爭敢
望長閑 跂石仍臨水披襟復挂冠機心忘未得
碁局與魚竿

和陳表用負外求酒

暑天頻雨亦頻晴簾外閒雲重復輕珍重一壺訓
絕唱向風遙想醉吟聲

奉和右省僕射西亭高卧作

院靜蒼苔積庭幽怪石歌蟬聲當檻急虹影向簷

垂晝漏猶憐永叢蘭未覺衰
踈篁巢翡翠折葦覆鷗鷺
對酒襟懷曠圍碁音趣
遶景皆隨所尚物各
遂其宜道與時相會才
非世所竊賦詩貽座客
秋事爾何悲

憶新淦鵞池寄孟賓于負外

往年淦水駐行軒引得清流似月圓
自有谿光還碧甃不勞人力
遮金船潤滋苔蘚欺茵席聲入杉
松當管絃珍重詩人頻管領
莫教塵土咽潺潺

右省僕射後湖亭間宴鉉以宿直先歸

賦詩留獻

湖上一陽生
虛亭啓高宴
楓林煙際出
白鳥波心見
主人忘貴達
座客容癡賤
獨慙殘照催
歸宿明光殿

送孟賓于負外還新淦

暫來城闕不從容
却佩銀魚隱玉峯
雙澗水邊歌醉石
九仙臺下聽風松
題詩翠壁稱逋客
采藥春畦狎老農
野鶴乘軒雲出岫
不知何日再相逢

孟君別後相續寄書作此酬之

多病怯煩暑
短才憂近職
跂足北牕風
遠懷浩無極
故人易成別
詩句空相憶
尺素寄天涯
淦江秋

水色

納后夕侍宴

天上軒星正雲開湛露垂禮容過渭水宴喜勝瑤
池彩霧籠花燭升龍肅羽儀君臣歡樂日文物盛
明時簾捲銀河轉香凝玉漏遲華封傾祝意觴酒
與聲詩

又三絕

時平物茂歲功成重翟排雲到玉京四海未知春
色至今宵先入九重城
銀燭金爐禁漏移月輪初照萬年枝造舟已似文

王事卜世應同八百期

漢主承乾帝道光天家花燭宴昭陽六衣盛禮如

金屋彩筆分題似柏梁

北苑侍宴雜詠詩

竹

勁節生宮苑虚心奉豫遊自然名價重不羨渭川侯

松

細韻風中遠寒青雪後濃繁陰堪避雨効用待東封

水

碧草垂低岸東風起細波橫汾從游宴何謝到天河

碧草無依岸東風起細波橫汾從游宴何謝到天河

風

昨朝總解凍今日又開花帝力無人識誰知玩物華

菊

細麗披金彩氤氳散遠馨况杯頻奉賜緣解制頽齡

柳枝詞十首 座中應制

金馬詞臣賦小詩梨園弟子唱新詞君恩還似東

風意先入靈和蜀柳枝

百草千花共待春綠楊顏色最驚人天邊雨露年

年在上苑芳華歲歲新

長愛龍池二月時旣旣金線弄春姿假饒葉落枝

驚

汎

空後更有梨園笛裏吹

綠水成文柳帶搖東風初到不鳴條龍舟欲過偏

留戀萬縷輕絲拂御橋

百尺長條婉翹塵詩題不盡畫難真憑君折向人

間種還似君恩處處春

風暖雲開晚照明翠條深映鳳皇城人間欲識靈

和態聽取新詞玉管聲

醉折垂楊唱柳枝金城三月走金羈年年為愛新

條好不覺蒼華也似絲

新春花柳競芳姿偏愛垂楊拂地枝天子徧教詞

絃

客賦宮中要唱洞簫詞

凝碧池頭蘸翠連鳳皇樓畔簇晴煙新詞欲詠知

難詠說與雙成入管絃

侍從甘泉與未央移舟偏要近垂楊櫻桃未綻梅

先老折得柔條百尺長

奉和宮傅相公懷舊見寄四十韻

謝傳功成德望全鸞臺初下正蕭然搏風乍息三
千里感舊重懷四十年西掖新官同賈馬南朝興
運似開天文辭職業分工拙流輩班資讓後先每
愧陋容勞刻畫長慙頑石費雕鐫晨趨綸掖吟春

絃

永夕會精廬待月圓立馬有時同草詔聯鑣幾處
共成篇閑歌柳葉翻新曲醉詠桃花促綺筵少壯
况逢時世好經過寧慮歲華遷雲龍得路須騰躍
杜櫟非材合棄捐再謁湘江猶是幸兩還宣室竟
何緣已知瑕玷勞磨瑩又得官司重接連聽漏分
宵趨建禮從遊同召赴甘泉雲開閭闔分臺殿風
過華林度管絃行止不離宮仗影衣裾嘗惹御爐
烟師資稷契論中禮依止山公典小銓多謝天波
垂赤管敢教晨景過華瑋翺飛附驥方經遠巨楫
垂風遂濟川玉燭調時鈞軸止台階平處德星懸

驚

玄 玄 樹

閑

巖廊禮絕威容肅布素情深友好偏長擬營巢安
大厦忽經操鉞領中權吳門日麗龍銜節京口沙
晴鷁盡船蓋代名高方赫赫戀恩心切更乾乾袁
安辭氣忠仍懇吳漢精誠直且專却許丘明師紀
傳更容疎廣奉周旋朱門自得施行馬厚祿何妨
食萬錢密疏尚應勞獻替清談唯見論空玄東山
妓樂供閒步北牖風涼足晏眠玄武湖邊林隱見
五城橋下棹回公曾移苑樹開紅藥新鑿家池種
白蓮不遣前騶妨野逸別尋逋客互招延棊枰寂
靜陳虛閣詩筆沉吟虜彩牋往事偶來春夢裏閒

愁因動落花前青雲舊侶嗟誰在白首親情倍見
憐盡日凝思殊悵望一章追叙信精研韶顏莫與
年爭競世慮須憑道節宣幸喜書生為將相定由
陰德致神仙羊公剗有登臨興尚子都無嫁娶掌
退象天山鎮浮競起為霖雨潤原田從容自保君
臣契何必扁舟始是賢

相公垂覽和詩復貽長句輒次來韻

西院春歸道思深披衣閑聽暝猿吟鋪陳政事留
黃閣。偃息神機在素琴玉柄暫時踈末座瑤華頻
復惠清音開晴便作東山約共賞煙霞放曠心

閣

九日落星山登高

秋暮天高稻穞成
落星山上會諸賓
黃花汎酒依流俗
白髮滿頭思古人
巖影晚看雲出岫
湖光遠見客垂綸
風煙不改年長度
終待林泉老此身

十日和張少監

重陽高會古平臺
吟徧秋光始下來
黃菊後期香未減
新詩捧得眼還開
每因佳節知身老
却憶前歡似夢迴
且喜清時屢行樂
是非名利盡悠哉

御筵送鄧王

禁裏秋光似水清
林煙池影共離情
暫移黃閣只

三載却望紫垣都數程滿座清風天子送隨車甘
雨郡人迎綺霞閣上詩題在從此還應有頌聲

和張少監晚菊

憶共庭蘭倚砌栽柔條輕吹獨依隈自知佳節終
堪賞為惜流光未忍開采擷也須盈掌握馨香還
解滿樽壘今朝旬假猶無事更好登臨汎一杯

送馮侍御

聞君竹馬戲毗陵誰道觀風自六卿今日聲明光
舊物共看旌旆擁書生斬蛟橋下谿煙碧射虎亭
邊草路清應念筵中倍離恨老來偏重十年兄

又絕句寄題毗陵驛

曾持使節駐毗陵
長與州人有舊情
為向驛橋風月道
令人鬢鬢白千莖

陳侍郎宅觀花燭

今夜銀河萬里秋
人言織女嫁牽牛
珮聲寥亮和金奏
燭影熒煌映玉鈎
座客亦從天子賜
更籌須為主人留
世間盛事君知否
朝下鸞臺夕鳳樓

送蕭尚書致仕歸廬陵

江海分飛二十春
重論前事不堪聞
主憂臣辱誰非我
曲突徙薪唯有君
金紫滿身皆外物
雪霜垂

領更離羣鶴歸華表望不盡玉筍山頭多白雲

賦得秋江晚照

落日照平流晴空萬里秋
輕明動楓葉點的亂沙
鷗習網魚梁靜筆登稻穗
收不教行樂倦冉冉下
城樓

奉和子龍大監與舍弟贈答之什

石渠東觀兩優賢明主知臣豈偶然
鴛鴦分行皆接武金蘭同好共忘年
懷恩未遂林泉約竊位空慙組綬懸
多少深情知不盡好音相慰強成篇

史館度梅見其毫末歷載三十今已半

嘗

樹

枯同條諸公唯相公與鉉在耳觀物興
感率成短篇謹書獻上伏惟垂覽

東觀婆娑樹曾憐甲坼時繁英共攀折芳歲幾推
移往事皆陳迹清香亦暗衰相看宜自喜雙鬢合
垂絲

鼎臣學士侍郎以東館庭梅昔翰苑之
毫末今復半枯向時同條零落都盡素
髮垂領茲惟二人感舊傷懷發於吟詠
惠然好我不能無言輒次來韻攀和悅

憶見萌芽日還憐合抱時舊歡如夢想物態暗還

移素豔今無幾朱顏亦自衰樹將人共老何暇更
悲然

再次前韻代梅答

託植經多稔頃篴向盛時枝條雖已故情分不曾
移莫訝階前老還同鏡裏衰更應憐墮葉殘吹挂
蟲絲

太傅相公深感度梅再成絕唱曲無借
示倍認知憐謹用舊韻攀和

禁省繁華地含芳自一時雪英開後落紅藥植還
移謂嘗為翰林靜想分今昔頻吟歎盛衰多情共

樹
閑

如此爭免鬢成絲

太傅相公以東觀庭梅西垣舊植昔陪

盛賞今獨家兄唱和之餘俾令攀和輒

依本韻伏媿斐然 錯

靜對含章樹漢有含章樹下思共賞時香隨荀令在

根異武昌移物性雖搖落人心豈變衰唱詠勝笛

曲來往韻朱絲

曷臣學士侍郎楚金舍人學士以再傷

庭梅詩同垂寵和清絕感歎情致俱深

因成四十字陳謝 悅

人物同遷謝重成念舊悲連華得瓊玖合奏發項
箎餘枿雖無取殘芳尚獲知問君何所似珍重杜
秋詩

太傅相公以庭梅二篇許舍弟同賦舟

迂藻思曲有虛稱謹依韻奉和庶申感謝

舊春終無替流光自足悲攀條感花萼和曲許項
箎前會成春夢何人更已知緣情聊借喻爭敢道
言詩

太傅相公與家兄梅花詠唱許綴末篇

舟賜新詩俯光拙句謹奉清韻用感鈞

私伏惟家覽

錯

重歎梅花落非關塞笛悲論文叨接芳末曲愧吹

篔簹

詩云仲

枝逐清風動香因白雪知陶鈞數友

梯更賦邵公詩

和鍾太監汎舟同游見示

堅 閑 樹

潮溝橫趣北山阿一月三游未是多老去交親難

暫合閒中滋味更無過谿橋樹映行人渡村徑風

飄牧豎歌孤權亂流偏有興滿川晴日弄微波

又和游光睦院

寺門山水際清淺照孱顏客權晚維岸僧房猶掩

閑

閑日華穿竹靜雲影過階閒
箕踞一長嘯忘懷物

我問

和張少監舟中望蔣山

谿路向還背前山高復重
紛披紅葉樹間闌白雲

峯盡日慵移權何年醉倚松
自知閑未得不敢笑

周顥

御札

新酒初熟偶與鄭王諸公開
嘗於清宴堂廡之間

既覽秋物復矚霜牋因賦茱萸
一題以遣此時之

興卿鴻才敏思不可獨醒宜
應急徵同賦前旨

徵

樹

茱萸詩 翰林學士臣徐鉉進

萬物慶西成
茱萸獨擅名
房栱紅結小
香透夾衣
輕宿露
露猶重
朝陽照更明
長和菊花酒
高宴奉西清

奉和御製茱萸

臺畔西風御果新
芳香精彩麝蕭辰
柔條細葉粧
治好紫蒂紅芳
點綴勻幾朵
得陪天上宴
千株長作洞中春
今朝聖藻偏流詠
黃菊無由更敢鄰

蒙恩賜酒奉旨令醉進詩以謝

明光殿裏夜迢迢
多病逢秋自寂寥

臣以病戒
酒多時 蠟

炬乍傳丹鳳詔御題初認白雲謠今宵幸識衢樽
味明日知停入閣朝為感君恩判一醉不煩辛苦
解金貂

秋日汎舟賦蘋花

素豔擁行舟清香覆碧流遠煙分的的輕浪汎悠
悠雨歇平湖滿風涼運瀆秋今朝流詠處即是白
蘋洲

題梁王舊園

梁王舊館枕潮溝共引垂藤繫小舟樹倚荒臺風
淅草埋歌石雨修修門前不見鄒枚醉池上時聞

浙樹

寫為悲節士逢秋多感慨不須頻向此中游

苦

鴈鴛愁節士逢秋多感激不須頻向北中游

奉訓度支陳貲外

古來賢達士馳駕唯羣書非禮誓弗習違道無與
居儒家若迂濶遂將世情踈吾友嗣世德古風藹
有餘幸遇漢文皇握蘭佩金魚俯視長沙賦恻恻
將焉如

明道人歸西林求題院額作此送之

昔從岐陽狩簪纓滿翠微十年勞我夢今日送師
歸曳尾龜應樂乘軒鶴謾肥含情題小篆將去桂
巖扉

署

閑

署

送宣州立判官

憲署游從阻平臺道路賒喜君馳後乘於此會仙
槎緩酌遲飛蓋微吟望綺霞相迎在春渚暫別莫
咨嗟

北使還襄邑道中作 九月三十日

九月三十日獨行梁宋道河流激似飛林葉翻如
掃程遠若晝短野迴知寒早還家亦不聞安且還
家了

禁中新月

今夕拜新月沉沉禁署中玉繩疎間彩金掌靜無

風節換知身老時平見歲功吟者北城暝蘭燼墜

風節換知身老時平見歲功吟看北墀暝蘭燼墜

微紅

觀吉王花燭

王門嘉禮萬人觀况是新承罍醴歡花燭喧闈丞
相府星辰搖動遠遊冠歌聲暫闕聞宮漏雲影初
開見露盤帝里佳期頻賦頌長留故事在金鑾

綦賭賦詩輸劉起居 真

刻燭知無取爭先素未精本圖忘物我何必計輸
贏賭墅終規利焚囊以近名不如相視笑高詠兩

三聲

春盡日遊後湖贈劉越居劉時方燒藥

今朝湖上送春歸
萬頃澄波照白髭
笑折殘花勸君酒
金丹成熟是何時

送察院李侍御使廬陵因寄孟員外

繡衣乘駟急如星
山水何妨寄野情
肯向九仙臺下歇
閒聽孟叟醉吟聲

後湖訪古名賦一題得西郊

南朝潘閣地
八友舊招尋
事往山光在
春晴草色深
曲池魚自樂
叢桂鳥頻吟
今日中興運
猶懷翰

墨林

錫

送德邁道人之豫章

禪靈橋畔落殘花
橋上離情對日斜
顧我乘軒慙組綬
羨師飛錫指煙霞
樓中西嶺真君宅
門外南州處士家
莫道空談便無事
碧雲詩思更無涯

送陳秘監歸泉州

風滿潮溝木葉飛
水邊行客駐駝騑
三朝恩澤馮唐老
萬里鄉關賀監歸
世路窮通前事遠
半生談笑此心違
離歌不識高堂慶
特地令人淚滿衣

又聽霓裳羽衣曲送陳君

清商一曲遠人行
桃葉津頭月正明
此是開元太

平曲莫教偏作別離聲

又題白鷺洲江鷗送陳君

白鷺洲邊江路斜
輕鷗接翼滿平沙
吾徒來送遠
行客停舟為爾長
歎息酒旗漁艇兩無猜
月影蘆花鎮相得
離筵一曲怨復清
滿座銷魂鳥不驚人
生不及水禽樂
安用虛名上麟閣
同心携手今如此
金鼎丹砂何寂寞
天涯後會難期從此
又應添白鬢
願君不忘分飛處
長保翩翩潔白姿

徐公文集卷第五

開化圖書館

Kaishua library

開化圖書館

Kaichua library

周

開化圖書館

Kaishua Library

開化圖書館

Kaishwa Library

Blue Cyan Green Yellow Red Magenta White 3/Color

© The Tiffen Company, 2007

TIFFEN Color Control Patches

Centimetres

1 2 3 4 5 6 7 8 9 10 11 12 13 14 15 16 17
1 2 3 4 5 6 7




徐
公
文
集

—

開
館
書
圖
庫
K
a
n
h
a
L
i
b
r
a
r
y

開化圖書

Kaishwa Library



Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color